

vilegio id concessum à Mahomete secundo fuit. Onera Imperii penes Vizirium supremum, cetera per Divan, hoc est, per Senatum administrantur. *Ianizerorum* turba ingens. Hi veluti Prætoriani olim milites Dominum custodiunt; præfectum, & stationes, castrorum instar, sortiti. Ipsi Imperatori ob multitudinem & robur sæpe graves sunt, ideoque eorum libitu munera dare aliaque multa facere cogitur. Sed cum sit potestatis illius fulcimen unicum, reliqua ut minutiora tolerantur. *Spay* equites prisco Romanorum equitatu similes sunt. *Bassæ*, *Sangiaki*, & *Beghi* Senatores & Nobiles æmulantur. *Chiausii*, *Capigii*que velut Tribunorum ac Centurionum sunt manus. *Subassii*, *Azamoglanique*, ut licitorum apparitorumque latera constipans multitudo, priscam Imperatorum Romanorum maiestatem æquare videtur. *Ianizeri* stationes suas habent in Imperatoris domus vestibulo, ubi perpetuæ, alternæque militum excubiæ aguntur. Horum multitudo x l. ferè millium est. menstrua sex aureorum singuli stipendia merentur. Ad xxi i millia Byzanti tantum reperiuntur, ceteris per arces aut Imperii limites dispositis. *Spayorum*, hoc est, equitum numerus minor, dignitas tamen major, cum enim *Ianizeri* raro ad honores dignitatumque gradus promoveantur, *Spay* veluti proprio jure dignitatum majorum capaces sunt. Aureos merentur quindecim pro stipendiis. *Azamoglanique*, hoc est, tributarii filii sunt, qui è parentum ulnis teneri adhuc avulsi, ad vigesimum secundum annum inter labores & inopiam, ignari parentum, in Imperatoris tutelam & obsequium educantur. Horum x x v i millia sunt, omnesque Byzantii commorantur, nec ultra duos aureos quolibet mense ad victum habent, ac singulis annis vestem. *Vizirii Bassæ* provincias ac cetera imperii administrant. Horum indefinitus est numerus, prout etiam *Bassarum*. Nam qui semel eo munere sunt functi semper nomen ac dignitatem retinent. Byzantii sex commorantur; è quibus constat supremus Senatus, cui *Vezirius primus* (eorum vocabulo *Vezir Azem*) ingenti præsidet auctoritate: eoque ad bellum proficiscente *Vizirius alter*, *Caimcham*, hoc est, locum tenentis nomine surrogatur. Ægyptum, Arabiam felicem, Babylona, Græciam, Hungariamque regere non licet, nisi *Viziriis*. Nec *Vezirius* fit quisquam, quin prius fuerit *Bassa*, unde *Vezirii Bassæ* nuncupantur. *Bassarum* numerus, qui sibi non constat, quintuplo major est, quam *Viziriorum*. Horum dignitas etsi *Veziriorum* est minor, ubique tamen & semper est conspicua. Ob id filii sororum vel filiarum Imperatorum, quæ *Veziriis* plerumque nubunt, ad hæc duo dignitatum genera nunquam admittunt, ne affinitati ad occupandam tyrannidem à dignitate subsidium ac potentia ministraretur. *Testardarum* haud facile numerum inire, regii namque census, ut sunt infiniti, ita & multos procuratores requirunt, qui supremo uni ærarii præfecto Byzantii semper degenti, rationes reddere, pe-

Asia.

cuniamque omnem emittere coguntur. Sic & *Sangiaki* permulti, hoc est urbium ampliorum præfecti, quibus minores aliaque urbes, pagique subsunt. A *Beghis* in hoc differunt, quod *Sangiaki* statuta militiæ præfunt, Imperatorioque flamine untuntur, quod eodem vocabulo *Sangiak* dicitur. *Beghis* autem nulla in Imperatoriam militiam potestas, aut usus insigniorum, nisi in proprios milites privatos. Opulentioris tamen conditionis sunt aliqui *Beghi* quam *Sangiaki*, quorum dignitas parvo proventu ditata est. *Chiausii* sunt, qui per provincias ad Præsides Imperatoris mandata perferunt, ac exequi curant. Estque hoc munus honorificum imprimis apud illos. Similiter & *Capigii*, sed atrocioribus de rebus, ut si quando Præfectis Gubernatoribusque decernenda mors. Ambo tamen pars sunt Imperatoris aulae. Hi custodiendæ interiori januæ, quorum nomen *Ianitores* sonat; illi curandis externis ad aulam & Imperatorem pertinentibus. *Capigii* numero sunt quadringenti, octonis in stipem aureis quolibet mense donati. *Chiausii* quingenti, & triginta aureis. *Subassii*, velut lictores, aut magis proprie satellitum, vel apparitorum præfecti; cum hi ordinariæ militiæ proprii sint ministri. Horum incertus est numerus, incertaque stipendia, nec tam Imperatoris, quam ministri ejus famulantur, cum in supradictos omnes alios, excepto Imperatore, fas jusque sit nemini.

Qui Imperatoris aulae inserviunt, alii ad exterius, alii ad interius servitium spectant. Ad exterius, pertinent *Solaki*, & *Mutesar Aga*. Illi pedites sunt sagittarii, ambidextri ad utrumque Imperatoris latus ambulantes, ne qui à dextris eunt, si jaculari contingat, Imperatori terga vertant. *Mutesar Aga* ex omnibus partibus ac religionibus homines sunt, vel insigni corporis fortitudine, vel alia quavis virtute bellica insignes, quos honoris tantum gratia Imperator emeritorum militum instar penes se habet. suntque quingenti, singulis mensibus aureos sexaginta in stipendium ducentes. Ad interius servitium pertinent mulieres, & qui earum famulatio inserviunt Eunuchi. Horum, quia ad solam Imperatoris voluntatem augentur ac minuuntur, certus numerus non est. Quicunque tamen sunt, ab Eunuchosene *Capikenia*, hoc est, Porta locum tenente, reguntur, necnon pueri ad Imperatoris cubiculi curam & servitium destinati, quos *Icheglan* vocant. Hortos *Azamoglanique* curant, sub Præfecto, cui nomen *Boslangi bassi*, hoc est, Hortulanus major: prout etiam iidem in culinæ ac ædium usum ligna vehunt ad scindunt. Culinæ atchitriclini rationem habent. Strabulorum magistri aulae magnitudini respondent. Nam equi plus quam quingenti, muli ducenti fere, cameli quingenti, quorum gubernatores *Gevegi*, hoc est, Camelarii vocantur. Sunt & muliones, quos *Katargos* vocant: & equorum strigilatores plus quam quingenti, & totidem illi, quibus ephippiorum habenarumque cura. *Sarah* appellantur. Parent.

M